

安吉州誌卷五

前進士東吳伍餘福纂

課首篇

宋無考

元商稅課程縣務歲辦鈔八百六十一錠一  
十三兩三錢五分牯狸皮二十八尺

茶課茶園所歲辦茶二千四百三十六  
十斤該鈔五百五十九錠一十九兩七錢

分

酒課鈔七百七十七錠四十兩五錢六分

醋課鈔一十二錠四十五兩三錢六分

授時曆大小五千一百八十本鈔八十二錠

一十八兩

回回曆三本鈔三兩

係官房屋地賃錢中統鈔三錠八兩四錢四分八厘米一石一斗六合

常課軍器鞬羴皮羊皮三百一十六尺

回回包銀中統鈔一錠

戶口食鹽二千七百二十九引九十四斤一

十二兩四錢

僧道食鹽六引八十三斤一十四兩八分

園戶醬鹽二十五斤

國朝酒醋課鈔八十七錠二貫八百四十

房地賃鈔九十九錠八百四十文

碓磨油榨課鈔一十四錠二貫八百文  
樹株菓價鈔二十錠三貫六伯三十文

茶課鈔伍百九十七錠一貫一伯五十九文

茶法引由工墨鈔七千九錠四貫八伯文

魚油五百八斤一兩折收桐油五百八斤一兩

翎毛四千七百三十三根折收絳麻三百六十六斤九兩

魚鱠一十斤折收黃麻一百七十三斤四兩  
筆管七百四十八箇大五百八十中八十四

小八十四

山羊毛一十三兩兔皮八張香狸皮二張

雜色獐鹿等皮三百三十張

弓一百五十九張箭一千四百四十二枝

正副七百九十五條

乾葛三十斤烏梅二十斤枳實五十斤桑

皮一十五斤

粟菓九十七石九升五合大粟九十二石九升五合小粟五石

孝豐縣魚油翎鰓折納銅鐵等料

桐油三十三斤二兩折納生銅五斤九兩

絡藤四十三斤一十兩六錢八分折納熟鐵十二斤八兩

黃藤一十二斤

農桑桐樹三千八百四株每株科油四兩共

油九百五十一斤

茶課鈔六百九十八錠一貫九伯八文

魚課鈔三十八錠四貫七伯七十七文

粟菓一石八斗

郡史氏曰揚州何貢乎琨瑤簞篠篠齒革羽毛  
凡賦之下上土錯者皆是也安吉其亦揚州  
之貢乎取辦有數徵解有額率每歲以爲

是故安吉孝豐歲歲迭獻其或歲凶民歉  
恩詔及焉或減其半或蠲其逋蓋優之也通  
其變弗泥其常  
帝德休哉其神化宜民之功無物不被而茲  
被之尤深蕩蕩斯民烏能名

贊曰大共小共何天之休九圍式命矧是  
一州下有常貢上無外求上下一體國用  
以周玩物喪志古有嘉謀惟德其物永保

### 金甌

#### 桑耕篇

安言桑種有二荆桑樵則多魯桑少荆桑之  
葉尖薄得蠶薄而絲少魯桑之葉圓厚得蠶  
厚而絲多若葉黃衣而皺者號曰金葉蠶不  
可食木亦易稿

栽桑耕地令熟行要寬橫比長多一半根下  
埋敗龜板一箇則茂而不蛀又有將桑根浸

糞水中一宿掘坑栽之者諺云臘月栽桑桑不知

修桑削去枯枝及低小亂枝條正月用糞土培之更有接換之法春分前十日爲上時後五日爲中時取其條眼靚青爲好

蠶之性子在連時宜極寒成蟻時宜極暖停眠起時宜溫大眠後宜涼臨老時宜漸暖入簇時又宜極暖

收蠶種當開簇時擇苫草上硬蜜尖細緊小者是雄圓慢厚大者是雌箔上單排其蛾自出止留完好同時出者卯時取對至未時折開用厚紙爲連候蛾生子齊取懸之涼處勿令煙熏日炙臘月八日用桑柴灰淋汁以浴之雪水尤佳

蠶不可食之葉有三一承帶雨露旣濕又寒者二爲風日所曬乾者三溫臭者食之皆能

生疾蠶室中忌西照日初生時忌掃塵及產婦飼養轍晝夜飼頓數多則易老蟻初下時切細葉食盡即飼不拘頓數頭眠停眠大眠起每日撒葉宜薄晝夜可以飼之每飼必勻每箔蠶須稀布布時須手輕不得從高摻下縲絲用小釜燃之候水熱旋旋下蠶火宜慢蠶宜少多則煮過少絲然縲絲之訣惟在細圓勻緊則可

荒田開時先種芝蔴一年後種五穀蓋芝蔴能敗草木之根也

耕田者春耕欲常遲以冰凍漸解土雖堅硬亦可犁鋤秋則乘天氣未寒欲常早惟秧田須是殘年耕墾

插秧在芒種前後低田常早以防水澇高田常遲以防冷蛙苗初發用揚去稗草又以手耘之近秋或放水將手塗光曬乾謂之稿稻

復入水浸之謂之還水早者寒露晚者霜降  
既登場則宜冬春春則生芽損穀多矣桃城  
之民多不盡此法又墮於力而糞不多謂之  
下農則可矣

種麥於早稻收割時將田耕熟鋤成行壟四  
畔溝洫通水春穴下種以灰糞蓋之諺云無  
灰不種麥仍以八九月爲上時次則十月皆  
然

郡史氏曰織之重於耕也湖爲最安吉次之  
是故一日二日或至於無衣三日四日或困  
於無饑信哉其民之墮於力也振而起之不  
見宋之樓璿氏元之趙孟頫氏各繪圖賦詩  
以風勵後世者乎爲按圖說以教民之耕織  
者

贊曰饑彼南畝實粟實堅田畷至喜歲取  
十千猗彼女桑何以卒歲我朱孔陽有經



有緯曰耕曰織衣食之源所欲與聚政在保全

田賦篇

宋初盡削錢氏白配之目至慶元間夏稅絹一萬七千七十九疋 秋苗米七千九百七十石

元至正間夏稅絲一萬五千二百七斤一十四兩七錢五分一厘 綿三千九十四斤一

十兩九錢九分九厘 秋苗米正耗二萬一千八百二十八石二斗四升七合

國朝洪武二十四年舊管田地山蕩一萬一千四百四十五頃四十五畝八分七厘一毫

夏稅絲四萬四百六十二兩一錢 綿七千四百五十兩七錢 麥正耗三千三百一十八石一斗四升五合六勺 秋糧米正耗一萬七千五百六十一石三斗四升三合一勺

荳三百六十八石八斗七升八合 鈔三千四百九十三貫四百六十一文

宣德七年奉

勅減二三糧額及消耗戶作民田起科夏稅  
麥三千六百四十二石六斗六升八勺 絲  
四萬四百五十三兩一錢四分五厘 綿七  
千四百四十七兩九分三厘 鈔一千二百  
二十七錠三貫三百九十二文 秋糧米一

萬五千八十一石一斗七升一合九勺三抄  
荳三百一十三石五斗六合六勺 馬草  
二萬七千六百四十七包九斤十二兩

弘治元年割置孝豐縣分附長興縣三鄉田  
地山蕩一千六百七十六頃六十六畝八厘  
九毫共計五千六百七十二頃四十一畝一  
分七厘七毫 夏稅麥二千六百九十二石  
四斗三升九合 絲二萬八千七百三十四

兩二錢八分八厘二毫 綿三千四百兩九  
分六厘二毫 鈔四千六百三十二貫八百  
四十一文 秋糧米一萬二千一百六十九  
石七斗三升 荳一百三石二斗八升八合  
七勺 馬草二萬九百一十八包一十一兩  
官田九十七頃九十畝三分四厘 一則籍  
沒田科米八斗 一則科米六斗六升一  
則科米六斗四升 一則科米六斗三升

一則科米六斗二升 一則科米六斗一  
則科米五斗八升 一則科米五斗七升  
一則科米五斗六升 一則科米五斗五升  
一則科米五斗四升六合 一則科米五  
斗三升 一則科米五斗二升 一則戶絕  
田科米五斗一升 一則科米五斗 一則  
科米四斗五升 一則科米四斗三升 一  
則科米四斗二升 一則科米四斗一升

一則抄沒田科米四斗八合八勺 一則科  
米四斗 一則科米三斗八升 一則科米  
三斗七升 一則科米三斗六升 一則逃  
亡官兵田科米三斗五升 一則開荒田科  
米三斗四升 一則科米三斗三升 一則  
科米三斗二升 一則科米三斗一升 一  
則科米三斗 一則學院田科米二斗八升  
一則接佃軍田科米二斗七升 一則科

米二斗六升 一則科米二斗五升 一則  
科米二斗四升 一則科米二斗三升 一  
則科米二斗 一則科米一斗七升 一則  
科米一斗六升 一則科米一斗四升 一  
則科米八升 夏稅麥二百七十七石四斗  
五升四合三勺 絲一百七十一兩三錢六  
分八厘 秋糧米二千九百七十八石二斗  
六合一勺

民田一千二百九十一頃一十四畝三分

一則科米三斗三升 一則科米二斗八升

一則改科田科米二斗七升 一則科米

二斗 一則科米一斗二升 一則寄庄田

科米一斗 一則科米九升 一則科米八

升 一則僧寺田科米五升 一則開荒民

田科米四升 一則站民田科米三升 夏

稅麥一千五百四十七石一斗一升九合二

勺 絲一萬一千八百八十一兩五分九厘

綿五百一十七兩八錢一分八厘 秋糧

米九千一百九十一石二升三合五勺 馬

糧銀五百九十四兩三錢二厘八毫

官地一百二十一頃二十畝六分五厘四毫

一則科麥一斗二升八合 一則科麥二

斗二升荳三斗三升 一則科鈔三百八十

四文 一則科麥一斗七升荳三斗二升

一則科麥八升荳一斗二升 一則科麥二升 一則科鈔四百文 一則科絲一兩六錢五分 夏稅麥三十四石三斗四升九合 絲二十四兩八錢四分八厘 鈔三千三十九貫六伯五文 秋糧荳五十八石四斗四升八合四勺

民地五百三十四頃九十畝五分五厘九毫 一則科麥二斗荳二斗七升 一則科荳

四升 一則科麥二升 一則科麥二升絲

四錢六厘綿九分九厘 一則科絲五錢三

分 一則每畝科絲三錢四分七厘綿七分

九厘二毫 一則科絲八錢一分一厘一

則科絲一錢二分七厘 夏稅麥八百三十

三石五斗一升六合五勺 絲三千五百七

十五兩七錢二分二厘 綿八百八十五兩

三錢三分七厘 秋糧荳四十四石八斗四

升七勺

官山三百四十四頃二十九畝九分二厘三毫 一則科絲五分四厘綿八厘四毫 一

則科絲三分七厘綿七厘一毫 一則科鈔六十四文 一則科鈔五十文 夏稅絲五百一十兩二錢一分 綿九十一兩六錢五分 鈔一千二百四十八貫九百六十八文 民山三千一十八頃五十畝一分五厘二毫

一則民上山科絲五分四厘九毫綿八厘七毫一絲 一則民中山科絲八分二厘二忽 一則民中山每畝科絲三分七厘綿七厘二毫 一則民下山科絲一分四厘九毫七絲四忽 一則民下山科絲三分一厘綿六厘四毫 夏稅絲一萬二千一百九十七兩九錢四分三厘 綿一千八百四十三兩八錢五分八厘二毫

官蕩四十三頃三十六畝三分二厘五毫

一則科絲二錢五分綿六分三厘 一則科

絲一錢四厘綿三分一厘一毫 一則科鈔

二百文 一則科鈔五十文 夏稅絲二兩

七錢八分 綿六錢二分 鈔三百四十四

貫二百六十八文

民蕩五十九頃一十五畝八分六厘四毫

一則科絲一錢四分四厘綿三分一厘一毫

一則科絲一錢三分四厘五毫綿九厘五

毫 一則科絲二分二厘 夏稅絲三百七

十兩三錢五分七厘八毫 綿六十兩八錢

一分三厘

夏稅發運

京庫折銀麥一千七百四十三石三斗五升

四合三勺折銀四百三十五兩八錢三分八

厘五毫 串伍正絲一千六百九十兩 荒



正絲九千六百七十兩 中白綿一千三十兩 絹七百九十三疋

南京串伍正絲八百四十兩 荒正絲七百七十兩 本府泰定倉正麥九百四十九石八升四合七勺 織染局荒正絲二千二百七十四兩三錢八分四厘四毫 豐德庫鈔折銀一十三兩八錢八分八厘七毫七絲

秋糧發運

京庫折銀正米五千三百八十三石三斗六升一勺折正銀一千三百四十五兩八錢四分二絲五忽 京倉兌軍正米五千五百七十石每石加耗本色四斗該耗米二千二百八十三石七斗折色三斗六升共折銀一千二兩六錢 草一萬二千二百五十包折銀三百六十七兩五錢 鹽鈔無閏二千五百四十四貫折銀五兩八分八厘 南京定倉

折銀草四千三百八十包折銀九十六兩三錢六分 徐州廣運倉改撥充軍正米二百九十五石 永福倉正米一百四十石 海鹽縣常積一倉鹽糧米無閏五百八十石五斗四升八合七勺 徐州石山等驛上中下馬一十二疋馬糧平銀四百七十一兩九錢九分 本府泰定倉馬草三千八百九包九斤十兩折米一百九十石四斗九升八合一

勺 豐德庫鹽鈔無閏二千五百四十四貫折銀五兩八分八厘 馬糧餘銀九十一兩九錢三厘 茗溪驛水手馬糧銀三十兩 本州儒學倉正米五百一十七石三斗 義役倉正米二百二十石七斗五升三合七勺 孝豐縣官民田地山蕩七千五百一十七頃六十畝八分一厘 夏稅麥二千一百六十二石七斗一升七合九勺 絲二萬五千三

百五十七兩四錢五分六厘三毫 綿四千  
六百一十六兩四分一厘八毫 鈔一千四  
百四十二貫四十八文 秋糧米一萬七百  
一十二石四斗一升三勺 荳二百一十石  
二斗一升七合九勺 馬草一萬六千九百  
六十二包七斤三兩一錢七分

官田一百一十八頃三十八畝二分六厘九  
毫 一則籍沒田科米八斗 一則抄沒田

科米四斗八合八勺 一則還官田科米三

斗五升 一則官田科米四斗二升 一則

科米六斗 一則學院田科米二斗八升

一則逃亡官兵田科米三斗五升 一則財

富田科米三斗一升五合 一則開荒田科

米三斗五升 一則戶絕田科米五斗一升

二合 夏稅麥一百一十七石二斗一勺

秋糧米五千二百八十四石八斗六升四合

二勺 馬草八百八十包八兩三錢

民田一千七十一頃六十四畝四分五厘三

毫 一則科米三升九合三勺七抄五撮

一則開荒田科米五升 一則僧寺田科米

五升 一則站田科米三升二合七勺五抄

一則改科田科米二升七合 一則寄庄

田科米六升 一則科米三升九合三勺麥

二升 一則開荒麥田科米五升正麥二升

一則僧寺麥田科米五升正麥二升 一

則寄庄麥田科米六升正麥四升 一則民

絲田科絲八錢一分一厘綿一錢三分七厘

五毫 米三升九合七勺五抄 夏稅麥一

千一百七十二石九斗八升六合 絲二千

二百九十三兩七錢三分三厘 綿三百七

十一兩八分二厘 秋糧米五千四百六十

七石五斗六升六合一勺 馬草一萬六千

七十四包六斤十兩八錢 馬糧銀四百九十三兩二錢七分七厘八毫

官地五十五頃四十八畝七分八厘一毫

一則開荒地科鈔二百一十七文八分八厘

一則抄沒地科鈔四百文 一則逃亡官

兵地科麥一斗七升六合 荳一斗二升

夏稅麥四十七石九斗四升二合四勺 鈔

一千三百八十八貫九百五十五文 秋糧

荳二十七石四斗九升七合四勺 馬草九

十二包四斤

民地五百三頃五十八畝五分三厘二毫

一則民麥地科麥二升 一則寄庄地科麥

四升絲四錢六厘七毫綿九分九厘 一則

民荳地科荳二升 一則絲地科絲四錢六

厘七毫綿九分九厘 夏稅麥八百二十四

石五斗八升九合四勺 絲一千二百九十

八兩七錢五分五厘 綿三百一十三兩二錢一分 秋糧荳一百八十二石七斗二升五勺 馬草一千二百五包五斤十三兩 官山二百九十七頃八十四畝三厘五毫 一則開荒山科鈔六十四文 一則抄沒山科鈔六十四文 夏稅絲五百六十一兩九錢四分 綿一兩一錢 鈔一千五百三貫三百六十四文

民山五千四百五十五頃九十畝七分二毫 一則民上山科絲五分四厘九毫綿八厘四毫 一則民中山科絲三分七厘一毫綿七厘二毫 一則民下山科絲三分一厘六毫綿六厘五毫 夏稅絲二萬一千一百三十一兩三錢四分四厘三毫 綿三千八百九十三兩六錢六分六厘八毫 官蕩二頃六十四畝四分三厘 一則抄沒

官蕩科鈔二百文 夏稅絲一兩五錢五分  
綿三錢八分 鈔五十三貫九十三文  
民蕩一十二頃一十一畝六分八毫 一則  
科絲一錢四分四厘一毫綿三分一厘一毫  
夏稅絲一百七十兩一錢三分四厘 綿  
三十六兩五錢九分五厘

夏稅發運

京庫折銀麥一千四百石六斗四升九勺九

抄共折銀三百五十兩一錢六分二毫 串  
伍正絲一千四百九十兩 荒絲八千九百  
四十兩 中白綿九百五十兩 絹七百三  
十三疋一丈二尺 南京串伍正絲七百一  
十兩 荒絲六百八十兩 本府泰定倉麥  
七百六十二石七升六合九勺六撮 織染  
局荒正絲二千五百三十五兩四錢九分八  
厘 豐德庫鈔折銀八兩八錢三分六厘二

毫

秋糧發運

京庫折銀正米五千四百一十三石六斗三合折正銀一千三百五十三兩四錢七毫五絲 草一萬九百包折正銀三百二十七兩 鹽鈔一千一百一十貫文折銀三兩三錢 南京定倉本色草四千包折平銀八十八兩 南京會同館等驛上中下馬九疋馬糧

平銀共三百一十一兩九錢九分 本府秦

定倉平米五千六百九石一升七合一抄

折米草三千三百六十包七斤共平米一百

八十六石五斗一升八合八勺 鹽糧平米

六百五十九石一斗四合八勺 豐德庫鹽

鈔五百五十五貫文折銀一兩六錢六分五

厘 馬糧餘銀一百四十二兩九錢四分八

厘 本縣儒學倉正米三百五十石 俸級



倉正米一百四十五石八斗五升六合七勺  
郡史氏曰古者有田則有賦上取之而不以  
爲虐下承之而不以爲怨其義然也舍義則  
非君民一體之意矣安吉田出揚州下下其  
賦如之顧姦民猾吏多有以重爲輕以實爲  
虛者就如山額十損其半而今始足者予籍  
之也是故別爲稽弊冊以防之或於救時之  
策小有補焉

贊曰井田旣廢厥賦孔多吏恣其術一土  
百科割長補安典籍日訛何能釐革苦心  
奈何賦以田出請視民歌

戶口篇

宋大中祥符間主客戶二萬二千一百八十  
五口七萬一千六十二  
淳熙間戶二萬五千二百九十八口六萬五  
千八百六十

元至元二十七年戶二萬五千二百九十八  
南人戶二萬五千二百四十六北人戶五十  
二

國朝洪武二十四年戶一萬八千四十四口  
七萬七千二百一十六

永樂十年戶一萬八千一百七口七萬四千  
一百二十九

宣德七年戶一萬六千四百八十六口六萬

二千八百八十九

正統七年戶一萬五千八百四十八口六萬  
八百七十九

景泰三年戶一萬五千二百七十八口五萬  
八千八百三十二

天順六年戶一萬四千九百二十七口五萬  
九千七百二十二

成化八年戶一萬四千五百四十七口五萬

九千六百九十九

成化十八年戶一萬四千五百四十七口五

萬九千七百三十二

弘治五年戶九千六百一十五口三萬一千

五百四十三

先是弘治元年割去孝豐天目魚池靈奕廣苕浮玉移風太平

金石九鄉戶口立孝豐縣又割長興縣順零晏子荆溪三鄉戶三千五百七十三口六千

八百四十七來附安三區於是長區安區之別而其在孝豐者始判矣

弘治十五年戶九千六百二十五口三萬一

千五百四十七

正德七年戶九千六百一十五口三萬一千

八百五十八

嘉靖元年戶九千六百一十五口三萬一千

八百六十三

嘉靖十年戶九千六百二十六口三萬一千

八百七十六

孝豐縣戶八千五百一十六口三萬五千三

百六十三

弘治末戶八千六百四十三口三萬五千三百六十三

正德中戶八千七百七十八口三萬六百

嘉靖初戶八千五百二十六口三萬五千四百一十三

嘉靖中戶八千五百三十六口三萬五千四百一十二

郡史氏曰古者租庸調之法起於戶口其間脫戶者有禁漏口者有禁而今律令所載率以是爲準不知安吉之編戶損邪否邪余嘗籍其事主戶爲最客次之較之洪武以來貧窶散於流離浮浪困於兼并十室九空是吾憂也十羊九牧於汝安乎是故優融以括籍者非也劣炎以定賦者亦非也

贊曰咨爾編戶有主有客口以戶分世業

惟籍孰提其綱守令之常休養生息順時  
者昌古有白著十取八九民命弗堪僞增  
何有

安吉州志卷第五

名 永安鋪鋪司一名 鋪兵五名 順安  
鋪鋪司一名 鋪兵三名 定福鋪鋪司一  
名 鋪兵三名 安福鋪鋪司一名 鋪兵  
四名 梅溪鋪鋪司一名 鋪兵四名 荆  
溪鋪鋪司一名 鋪兵三名 段村鋪鋪司  
一名 鋪兵二名 上舍鋪鋪司一名 鋪  
兵二名 北山鋪鋪司一名 鋪兵二名  
山川社稷郡厲壇門子共二名 栗菓夫銀

三十三兩五錢 富戶銀三兩三錢 義塚  
夫一名 儒學齋夫八名 膳夫一十二名  
門子三名斗級四名庫子三名 射圃鄉賢  
祠門子各一名以上俱均徃 民壯一百四  
十名 孝豐縣南京直部皂隸九名 按察  
司杭嚴道借撥皂隸一名 本府隸兵一名  
柴薪皂隸二名 馬丁夫一十名 獄卒一  
名 豐德庫庫子一名 本縣柴薪皂隸九

名 馬丁夫四十名 直堂門子二名 西  
耳房庫子一名 架閣儀仗庫子一名 隸  
兵三十六名 獄卒五名 巡鹽應捕一十  
名 布政分司門子二名 按察分司門子  
二名 公館門子二名 預備倉斗級二名  
存留倉斗級二名 便民倉斗級二名 聽  
用顏料弓張解戶二名 山川社稷邑厲壇  
門子共一名 栗果夫銀二十六兩五錢

義塚夫一名 縣前鋪司兵八名 靈奕鋪  
司兵四名 移風鋪司兵四名 松坑口巡  
檢司弓兵五十名 儒學齋夫六名 膳夫  
八名 門子斗級各三名 庫子二名 射  
圃門子一名 民壯一百四十名  
郡史氏曰治平在庶功興庶功興在事役均  
事役均在民數周是故先王頒職事十有二  
於邦國而服事其一也今時則不然稽役次

以定多寡審丁田以別重輕按歲月以節勞  
逸其法似也變而通之存乎人若使任之者  
費日重議之者制日誣民其魚肉矣噫曾是  
而可以爲司牧乎哉君子曰役民者官也役  
於官者民也民可役官不可過役

贊曰往役者義其勢則然如臂使指孰運  
其權始焉講事集人來定重富廉貧我心  
局局古有保章六遂六鄉十年一舉治道

之常

公署篇

舊縣治一在漢立於天目鄉一在唐遷於玉磬山東南宋元仍其故入

國朝丁酉歲始北徙改舊元帥府爲之卽今州治是也先是宋臣呂靖者重建廳事別有勅書樓手詔亭燕笑堂覓雲亭清淑亭靜涼亭三角亭得助亭今皆廢其外有酒稅務醋

庫監廳省倉常平倉省庫常平庫昇慈館迎恩亭安吉馬驛獨松亭馬驛幽嶺巡檢寨二酒坊稅務巡檢司惠民藥局皆載在舊志不可考正德二年改縣爲州其故縣規模猶未改或修或廢僅存其半爲次第書之

公廳三間 東耳房一間爲黃冊軍器庫  
西耳房一間爲錢糧儀仗庫 穿堂三間  
後堂三間 幕廳三間在公堂東 判廳三



間在公廳西 六房東西各八間 戒石亭  
其石刻猶以縣名尚未改 中門五間 獄  
廳三間 東西牢房各三間在中門西 土  
地祠三間在中門東 譙樓三間 知州衙  
在公堂後 同知衙在知州衙東 判官衙  
在知州衙西 吏目衙在同知衙東 按察  
分司在州治東三十步 公館在州治後  
陰陽學在州治西 醫學在州東 僧正司

在常樂寺 道正司在玉樞道院 稅課局

在梅溪灘 督儲館在州治東一百二十步

便民倉 在梅溪鄉瀆口初舊倉在梅溪市至

嚴氏所有歲取其利計米一十八石出自糧  
長凡七十餘年嘉靖辛卯判官伍餘福廉而  
正之不得復出租於是利歸於民地歸於官而  
彼不得專其有矣其稅絲附路勇籍有帖証

焉 惠民藥局舊在州治東今廢 旌善申明

二亭各二十五所割去孝豐縣十七所分來  
長興縣三鄉八所各共十六所一在州治西

南其各鄉安福順安定福銅山鳳亭梅溪崑  
山各一晏子二荆溪順零各三今俱廢 養  
濟院在州治南一百步 教場在朝陽門外  
永安鋪在州南六十步 安福鋪在曹埠  
梅溪鋪在便民倉左 荆溪鋪在顏村 順  
安鋪在三管里 定福鋪在蠻石橋南 北  
山鋪在晏子鄉 上舍鋪在順零鄉 段村  
鋪在順零鄉廣德界 其孝豐縣公堂私衙

大略與州同

郡史氏曰凡公家所謂營室者必定之方中  
以應其象而九七五雉之制各隨之非直爲  
觀美而已是故實有聽政之道焉居其室者  
安有不俯而惕仰而思者哉其在安吉者因  
之以歲月則久而嘉重之以水患則嘉而傾  
額有定設居無改觀卽如州堂尚仍縣制近  
有能恢復者稍稍就緒其廢而不舉者尚多

矣噫無乃平陂往復之一機乎

贊曰君子攸躋翬飛鳥革歲久變遷居莫  
我葺或謂地瘠難庸其力使民宜之司牧  
之責繼有作者何損何益信而後勞與時  
消息

### 安吉州誌卷六

### 安吉州志卷七

前進士東吳伍餘福纂

### 學校篇

儒學在州治西舊在縣東一百步宋建炎中  
為水所沒元末復燬於兵洪武初始徙

今處

先師廟 東西廡

啓聖廟 鄉賢祠 名宦祠 明倫堂 存

心齋 東西號房

敬一亭 學正衙 訓導衙

書籍

四書大全 易經大全 詩經大全 詩經

大全 禮記大全 五倫書 性理大全

勸善書 為善陰騭書 孝順事實 歌曲

禮記 春秋左傳 書經 儀禮經傳 禮

樂書 十三經註疏

鄉學 舊三十九所除割去孝豐縣二十四所見存一十五所在城者二一在玉磬坊

一在常樂坊在鄉者十三梅溪一銅山三定福四順安崑山安福鳳亭各二今俱廢其長

興縣割附三鄉社學不載志故不書

孝豐縣儒學與州相同

孝豐縣社學 凡二十四所孝豐廣茗靈奕浮玉移風各二魚池天目各三金

石太平各四即所謂割去者也

郡史氏曰安定先生之教昉於湖安吉其所

屬也雖千村萬落各有學而總會於州其初

制度規模蓋自我洪武始更縣為州復一新

又自正德始其中正孔子廟號益以啓聖又自嘉靖始蓋歲歷三變而教不變得非續安定之教有其人邪惜小學無聞焉作而興之則有司存

贊曰經治兩齋體用之學肇自吳興蔓延山角有師有儒宮墻斯作質採以文猶恐其朴近世變遷中有鸞鶩鼓舞盡神以莫不樂

### 風俗篇

安吉之先本防風氏之俗故其民好勇尚鬪若吳貴歸湯毛九之類是也

其民不出境事商賈而足於衣食以其山多竹木之利

君子不樂仕進小人不習工藝一以質朴儉約爲主頗有古風

僧道娼尼本地無有爲之者風氣粗勁不閑

禮度婚娶論財疾病不用醫輒爲禳禱至有擊肥烹鮮以賽神者

婦人尚貞節夫死不再更近亦有奪其志者居喪不按家禮弔客至輒豐酒食以待甚至具鼓吹劇戲以相誇詡始或有停柩數十年不葬者今漸無矣

正旦飲屠蘇酒

是日用橘柿并栢葉大蒜懸于門

元日至五日俗謂之財五不用錢亦不掃除分火恐傷蠶花

迎春日抱小兒穿牛腹以黃赤雜荳撒之則痘疹稀

立春日鞭土牛州人爭取之得其土者宜蠶得其骨角削爲蠶筋則蠶旺

元宵市民張燈爲鰲山鄉人扮竹馬遍謁神祠巨室謂之叅燈

二月二日煮糕湯飲之佩蓬葉或以插門戶  
可免病

清明日插柳簷前視其榮悴以占桑葉貴賤  
四月八日鄉人作青精飯食之可以延生亦  
取枸杞菜煎湯沐浴

五月五日佩艾用綵索繫小兒頸以辟疫插  
紅花榴花可免目病

凡天旱鄉民必詣龍潭請水頭戴柳筐家挂  
白錢沿途下拜求之果有驗

八月十八日相傳爲李衛公生辰衆先期釀  
金置酒酣宴浹旬鼓吹歌唱之聲晝夜不徹  
復扮先代人物周遊巷陌金翠爛然謂之李  
王會

除夕燒生盆爆竹看火色  
州民初不知律例近有遠方刀筆潛負其黠  
者教以告訐俗始健訟矣

孝豐縣

民性躁動輕揚尤好鬪狠

大家多兼併里書之弊尤甚

譎薄相師忠厚少著近年以來文學漸興  
家有律例懷訟牒好以飛語誣長官雖屢戢  
之而不能禁也

小民負山爲固凡有科調緩則玩激則變  
郡史氏曰安吉之俗愚而易孝豐之俗勁而

險是皆古汪罔氏之遺風也而今則漸知所  
尚質抹以文訐抹以直終有不能盡如文獻  
之邦者安得諸侯采之以貢於

天子嗚呼鵲巢騶虞亦風也蒐田獮狩亦俗  
也上行下效是故責成在司牧者

贊曰嗟彼吳墟狃狃鹿豕破淳爲澆孰究  
厥止耕則小人隱則君子雀角猪肝所恃  
者紙重巫輕醫得彼失此挽回頽風請正



其始

祀典篇

先師廟

在儒學內春秋仲月上丁致祭

先師舊仍元封王號嘉靖十年始正曰

至聖先師孔子

祭品羊一豕一爵三登一鉶二簋簋各二邊豆各十二今

用八帛長一丈有八其色白

四配舊有公號今正之止稱復聖顏子宗聖

曾子述聖子思子亞聖孟子

祭品羊一豕一每位爵帛登鉶

同先師簋各一

邊豆各六

十哲舊有公號今正之止稱先賢

祭品豕二帛二每位

爵鉶簋各一

邊豆各四

兩廡舊一百九位今以顏無繇孔鯉曾點配

啓聖祠以林放蘧伯玉鄭衆虞植服虔范甯

各祀於其鄉顏何荀况劉向杜預王肅公伯

寮秦冉申黨賈逵馬融戴聖王弼吳澄萬春

革去從祀增祀后倉歐陽修王通胡瑗陸九

淵實在九十位舊有公伯爵號今正之止稱

先賢先儒

祭品豕二帛二每四位爵四簋簠各一籩豆各四

啓聖祠嘉靖十年創祀其配者先賢顏無繇

曾點孔鯉孟孫氏以先儒程珦朱松蔡元定

列祀於旁

春秋丁祭日致祭祭品釂二爵三簋簠羊豕帛各一籩豆各八先賢

祭品每二配爵六簋簠各二籩豆各四豕肉二先儒祭品東二位視二配西一位半之

鄉賢祠祀齊孝子王公文殊宋郎中央公襟

孫宋兵部尚書端明制置使陳公存宋郎中

吳公可幾宋太常少卿吳公知幾宋錢塘令

贈宣教郎朱公躡

國朝戶部主事郎公理

春秋丁祭日致祭羊豕各一

名宦祠祀

晉故鄆令河東裴公松之唐安

吉令曲阜孔公志道宋安吉縣主管勸農公

事弓手寨兵軍正張公自明元安吉令姑蘇

沈公拱辰明安吉令博平張公士良明奉議

大夫安吉州知州弋陽陳公善

祭品與鄉賢同

社稷壇

在西門外半里春秋二仲上戊日致祭每位祭品與十哲同羊一豕一帛

一其色黑

風雲雷雨山川壇

在南門外半里春秋戊祭後一日合城隍之神致祭

每位祭品與十哲同羊一豕一其帛風雲雷雨四山川二城隍一俱白色

城隍廟

在州東南一百三十步每有司到任致祭羊豕各一

郡厲壇

在北門外半里每歲清明日七月初一日致祭境內無祀鬼神用羊豕各二其鎮壇者亦用羊豕各一

三皇廟

舊在州治北今革

吳太子廟

在州南五里俗呼為和帝太王赤鳥十三年廢太子和處故鄣卒因

立廟於此

朱明府廟

在州西南五里吳揚州別駕偏將軍名紀其墓在焉因以立廟

晉施明侯廟

在梅溪鄉侯名彬征西大將軍尚書左丞封中蠲侯謚曰明食

邑本縣立廟以祀唐大中三年重修一云廟在銅山鄉廟施嶺

唐李衛公祠

在州西落石山下宋元累封輔世靈佑忠烈威顯王廟曰仁濟

其堂扁曰正祀春秋二仲有司致祭羊豕各一

三功祠祀巡撫都御史張公津巡按御史銜

公冕金壇令劉公天和報其收復廣茗功也

舊在州東南五十步今徙玉盤山前春秋二仲致祭羊豕各一

孝豐縣文廟各壇祀典同州其社稷壇在城

西山川壇在南門外邑厲壇在北門外城隍

廟在城東俱去縣百步

龍王廟

在孝豐縣西南五十里金石鄉之帝山天旱禱雨輒應舊每歲六月六日致祭今改為春秋二祭羊豕各一

郡史氏曰大祀則文廟小祀則神宇其祭期

或先丁而後戊或先戊而後丁按春秋擇月

日通天下皆然而况安吉乎若夫啓聖一祠

則又禮之以義起者也郁郁文哉吾其從周

之意乎

贊曰揭虔妥靈古有祀秩下淑人心中符

天德有因有革古今異宜大祀小祀職有

攸司代庖以尸樽俎楚楚百世斯崇如日

在午

安吉州志卷七

安吉州誌卷八

前進士東吳伍餘福纂

關津篇

獨松三關

在鳳亭鄉獨松嶺按元史宋建炎

曰南朝可謂無人若遣羸兵數百守此吾豈能遠度哉又淵穎集載德祐末獨松告急時文天祥守姑蘇朝命趣援根本天祥倉皇就道一晝夜抵行都而獨松隨以陷破復令駐兵餘杭守獨松大勢已去不復可支矣然則是關殆宋之要衝也

高塢關

在鳳

亭鄉高塢嶺

銅關

在銅山鄉去州東四十五里

湛水關

在銅山鄉去州

東四里 **福水關** 在湛水關西五里 **金竹關** 在崑山鄉去

五里 **孔夫關** 在孝豐縣西南六十里金石鄉 **五**

嶺關 在孝豐縣西北五里 **苦嶺關** 在孝豐縣西

鄉 **烏山關** 在孝豐縣東五里 **郎採關** 在孝豐縣

已上諸關皆宋末兵興疊石守備之處今俱

廢之

**南門渡** 去州南二里 **德新橋渡** 去州東三里 **梅谿渡** 去

北三里 **顏村渡** 去州北四十里 **小谿渡** 去州北四里 **江渚**

**谿渡** 去州東南一十里 **薦東渡** 去州東南一十五里 **沿干渡** 去

南二里 **五山渡** 去孝豐縣東北五里晉太康元

縣南安吉縣北光中之末天下大亂此地保

險守節漢朝嘉之中平二年分故鄣之南鄉

以爲安吉縣縣南有釣泉頭懸湧 **山公渡** 去

一里 **豐縣北** **豹霧渡** 去孝豐縣東 **陳安渡** 去孝豐

郡史氏曰以山爲關則山可城以水爲津則水可航大都天下皆然安吉或有興廢不同

者廢於治而興於亂也自宋以來正惟日月  
晦明之交會關可罷津不可罷故利涉者歲  
更一人以專其事而志猶以關名並書之亦  
愛禮存羊之意也古今治亂之徵此其券乎  
贊曰孔關邈矣顏渡尚然見一推十孰後  
孰先智者禦暴仁者濟川或興或廢莫紀  
其年原本厥始十二龍淵

古蹟篇

晏子城

去州西北二十里晏子鄉吳地志云

者每得黃金狀如四角菱中有齊字名晏子

金昔人有詩云豚肩不掩豆一裘三十年身

沒黃金出其故鄆城去州西北一十五里吳

然豈其然後府城去州西北二十五里吳大

縣唐武德七年併後府城去州西北二十五

入長城今屬安吉太子匯去州北四十五

帝所築一花渚去州北三十里太子匯去州北

里荆溪鄉谷傳齊王磨劍池在晏子鄉陂塘  
太伯隱此故名石壁去州西二里上方吳  
不涸石磨在梅溪石壁寺後雖暑亦涼  
王送女潮去州北四十五里荆溪舊志潮王

**帶潮**

在州東銅山鄉按舊傳許夫人曬蝦難

去州西北四十里俗傳陳武帝徵時曬蝦石

**臺**

在州北十三里安福鄉埭溪口平地突起

易登板秀有廟名石虎或嘗有鑿温教場在

其石者虎遂咆哮有聲驚者辟易

溪鄉約百餘畝相傳温天子屯**葬林**在孝豐

軍所温天子疑即梁太祖諱也

里世傳是薤春不種而生秋不收而枯人或

耕鋤則雷雨大作今亦有叢生者惜不如古

之盛**埋兒坑**在孝豐縣郭笑山相傳

耳在鳳亭鄉昔岳飛於此壘土結營後封鄂王

謚武穆人遂以穆王城呼之其將壇猶在上

有橡樹一株大數**石屋**在孝豐縣天目山石

圍莫敢有犯者其內可容數百人

**板**在孝豐縣天目山絕頂近嘗見其巔以板

鬼工鋸之**石羅漢**在孝豐縣東南**東西石樓**

恐未可信**石倉**在孝豐縣西四十里景溪

在孝豐縣西**釘釘石**在孝豐縣浮玉鄉其石有釘

豐縣白山水山太平寰宇記云昔**四谿棊盤**在

西施種香處至今生蘭甚多

豐縣浮玉鄉**王祥故宅**在梅溪鄉瑞竹里府

寨前山頂**施彬故宅**在梅溪鄉即

冰池今湮塞**吳頊故**

莫知其處



宅

在州西隅即今常樂寺

吳均故宅

在梅溪鄉青山青

鄰梅溪者也

王文殊故宅

在晏子鄉孝行里

裴子野故宅

在州永昌鄉按鄉名不知何所

昭明太子菴

在天目山有洗眼池相傳昭明

太子讀書菴中忽病目洗而復明

周弘讓故宅

在州西南三十六里其兄

弘政嘗令安吉弘讓結宇山中耽玩墳史因留家焉

梅谿書堂

在梅溪鎮宋淳

祐十一年天台郭居和建內設聖像旁立四齋集生徒肄業其中今有遺址

東山

書堂

在州東三里桂陽沈公鏜建儲書萬卷招遠近士子居之每大比先期集試其

中廩餼有差上春官者餞贖特厚士論歸之

二吳讀書堂

在梅溪鄉吳越

征西將軍吳環所居其後

叢桂堂

在州東二里百家園

宋紹興中邑人朱三思

三省輩赴南宮者二

十七人集宴于此時人尚有襲其芳者然亦衰矣

費元師宅

在州治後即今之公館址

郡史氏曰事有去古遠而獨存若石鼓石鼎

之類是也鼓以文鼎以詩至今談之如茲石

板石磨出於天晏城鄞城出於人而談者亦

不廢豈其天地精靈之氣致之耶噫亦竒矣

贊曰允弓和矢載諸考工矧是天產靈氣

攸鍾呼雲吸月或走蒼龍象形惟肖人也  
何庸歸功大造若金在鎔職思其外古人  
之風

### 丘墓篇

商大夫老彭墓

在孝豐縣廣苕鄉彭宅里按

題云空墳聊復葬衣冠成化中知縣史蘭碑以記之今亦泐姑蘇伍餘福近復題曰商大夫老彭之墓命鄉人守之

後漢驃騎將軍東海侯

萬豪墓

在縣西北一十里魚池鄉

吳丞相進封都亭侯萬彧墓

在孝豐縣西南八十里太平鄉

揚州別駕偏將軍朱紀墓

在順安鄉黃門侍郎萬

先墓

在定福鄉

晉中蠲明侯施彬墓

在梅溪鄉樂平寺後

梁高僧曇諦法師兩生墳

在崑山鄉

吳越王妃許夫人墓

在銅山鳳凰山鄉

唐刺史顏真卿墓

在荆溪鄉

宋皇伯太師豐恭惠王墓

在安福鄉

光祿大

夫姚孝孫墓

在州西三衛尉卿莫君陳墓在

安鄉青峴山

虔州太守魯伯能墓

在西峴山錢塘令贈

宣教郎朱蹕墓

在安福鄉郎灣里

工部郎中范彥輝

墓 在順安鄉青峴山

吏部員外郎朱三思墓

在順安鄉百家

少師提舉太平興國宮安吉縣開國男憲

敏公沈樞墓

在順安鄉石虎山

太師文簡公程大昌

墓

在安福鄉邱閣山

通真郎安吉令張彥霖墓

在順安鄉

嶺子

朝請郎知邵武軍左司諫吳元真墓 在順里

安鄉文思院朱吉甫墓

在孝豐縣東二十里移風鄉六部山少師

文僖公姚佑墓

在孝豐縣東十里靈奕鄉五山

國子監監

丞金譽墓

在孝豐縣西南十里天目鄉陳安

朝請大夫知邵

武軍朱應祥墓

在孝豐縣六部山

朝議大夫右史朱

應元墓

在孝豐縣北十二里靈奕鄉

朝議大夫兵部尚書

端明制置使陳存墓

在鳳亭鄉張梅村古桃志曰在銅山鄉張梅村

今俗呼梅村無張字在鳳亭銅山之界疑即此處

元吳興郡侯凌時中墓

在銅山鄉集賢學士凌懋

翁墓在鳳亭鄉修職郎總領所幹官湖州路教授

朱煥文墓在銅山鄉盤龍墩

國朝戶部主事郎理烈婦沙氏合葬墓在鳳亭鄉

邵家溪陝西按察司副使沈懋墓在石虎山憲敏公墓旁

溧水知縣劉剛墓在順安鄉嶺子里國子助教傅顯

墓在順安鄉姚塢吏部考功郎中俞謙墓在順安鄉青峴橋東

青陽知縣范進墓在廟施嶺都督同知陳翼墓在荆

溪鄉廣西布政司左叅議郎茂墓在鳳亭鄉邵家溪安

吉知縣王津墓在德新橋東御史徐韶墓在青山

東布政司右叅政丘經墓在梅溪市東兵馬指揮

范洪墓在點燈山

郡史氏曰古也墓而不墳今也墳而亦墓其

制異也汲冢以洩其靈防墓以安其魄是孰

名之為其人也其人賢雖死猶生其人不肖

雖生猶死而况丘壠亦有關係者乎若斧若

堂若馬鬣其規為雖不同而要之合於禮者

一也禹穴桓山豈青烏家之說耶卽此則勸  
戒昭矣墓在安吉者亦多何以評之彭爲甲  
贊曰禮制聿興內棺外槨玉匣珠襦羨門  
孔鑿不亡者名與山崖壘地以世殊古今  
各各傳信傳疑松楸落落安得曼父爲指  
其廓

安吉州誌卷八